

繪圖
鍼灸傳真名醫刺法卷二



仲景名醫學法卷之二 治症總要

一論中風。但未中風時。一兩月前或三四箇月前。不時足胫上發癰重麻。良久方解。此將中風之候也。便宜急灸三里。絕骨四處。各三壯。後用生葱薄荷桃柳葉四味。煎湯淋洗。灸令祛逐風氣。自瘡口出。如春交夏時。夏交秋時。俱宜灸。常令二足有灸瘡為妙。但人不信此法。飲食不節。色酒過度。卒忽中風。可於七處一齊俱灸。各三壯。偏左灸右。偏右灸左。百會耳前穴也。

第一陽症。中風不語。手足癱瘓者。

合谷

肩髃

手三里

百會

肩井

風市

環跳

足三里

委中

陽陵泉

先針無病手足。
後針有病手足。

第二陰症。中風半身不遂。拘急。手足拘攣。此是陰症也。亦依治之。俱先補後瀉。

第三中暑不省人事

人中 合谷 內庭

百會 中極 氣海

問曰。中暑當六七月間。有此症。或八九月十月亦有此症。從何而得。答曰。此症非一。醫者不省。當以六七月有之。如何八九十月亦有之。皆因先感暑氣。流入脾胃之中。串入經絡。灌溉相伴。或因怒氣觸動。或因過飲恣慾傷體。或外感風。至八九月方發。乃難治也。六七月受病淺。風疾未感。氣血未竭。體氣未衰。此為易治。復刺後穴。

中衝

行閭

曲池

少澤

第四中風不省人事

人中

中衝

合谷

問曰。此病如何而來。已上穴法針之不效。余何答曰。針力不到。補瀉不明。氣血錯亂。或去針遠。故不效也。前穴未效。復刺後穴。

啞門 大敦

第五中風。口禁不開。

頬車 人中 百會

承浆 合谷

俱宜瀉

問曰。此症前穴不效何也。答曰。此皆風痰灌注。氣血錯亂。陰陽不升降。致有此病。復刺後穴。

廉泉 人中

第六半身不遂中風。

絕骨 崑崙 合谷 肩頸

曲池 手三里 足三里

問曰。此症針後再發何也。答曰。針不知分寸。補瀉不明。不分虛實。其症再發。再針前穴。復刺後穴。

肩井 上廉 委中

第七口眼喝斜中風。

地倉 頸車 人中 合谷
問曰。此症用前穴針效一月或半月。復發何也。答曰。必是不禁房勞。不節飲食。復刺後穴。無不效也。

聽會 承漿 繫風

第八 中風 左癱右瘓。

二里

陽谿

合谷

中渚

陽輔

崑崙

行間

問曰。數穴針之不效。何也。答曰。風痰灌注經絡。血氣相搏。再受風寒。濕氣入內。凝滯不散。故刺不效。復刺後穴。先針無病手足、後針有病手足、

風市 丘虛 陽陵泉

第九 正頭大痛。及腦頂痛。

百會 合谷 上星

問曰。此症針後。一日二日再發。甚於前。何也。答曰。諸陽聚會頭上。

合用先刺後瀉。宜補多瀉少。其病再發愈重。如前法宜瀉之。無不效也。復針後穴。真頭痛。旦發夕死。夕發旦死。醫者當用心救治。如不然。則難治。

神庭 太陽

第十偏正頭風

風池 合谷 緣竹空

問曰。已上穴法刺。如不效何也。答曰。亦有痰飲停滯。拘膈。賊風串入腦戶。偏正頭風。發來連脣內痛。或手足沉冷。久而不治。變為癱瘓。亦分陰陽針之。或針力不到。未效。可刺中脘。以疎其下疾。次針三里。瀉去其風。復針前穴。

中脘 三里 解谿

第十一頭風目眩

解谿 豐隆

問曰。此症刺效復發何也。答曰。此乃房事過多。醉飽不避風寒。而

卧。賊風串入經絡。冷症再發。復針後穴。

風池

上星

三里

第十二頭風頂痛。

百會 後項 合谷

問曰。頭項痛針入不效者。再有何穴可治。答曰。頭項痛。乃陰陽不分。風邪串入腦戶。刺故不效也。先取其痰。次取其風。自然有效。

中脘 三里 風池 合谷

第十三醉頭風。

攢竹 印堂 三里

問曰。此症前穴針之不效何也。答曰。此症有痰飲停於胃脘。口吐清涎眩暉。或三日五日不省人事。不進飲食。名曰醉頭風。先去其氣化痰。調胃進食。然後去其風痛也。

中脘 豐中 三里 風門

第十四目 生翳膜

清明 合谷 四白

問曰。已上穴法刺之不效何也。答曰。此症受病既深。未可一時便愈。須是二三次針之。方可有效。復刺後穴。

太陽 光明 大骨空 小骨空

第十五迎風冷淚。

攢竹 大骨空 小骨空

問曰。此病緣何而得。答曰。醉酒當風。或暴赤。或痛不忌房事。恣意好食燒煎肉物。婦人多因產後不識迴避。當風坐卧。賊風串入眼中。或經事交感。穢氣衝上頭目。亦成此症。復刺後穴。

小空骨治男婦醉後當風三陰交治婦人交感症 濟孔上米大艾灸七壯效

中指半指尖

米大艾灸三壯效

第十六目生內障

童子髎 合谷 臨泣 晴明

問曰。此症從何而得。此數穴針之不效何也。答曰。怒氣傷肝。血不就舍。腎水枯竭。氣血耗散。臨患之時不能節約。恣意房事。用心過多。故得此症。亦難治療。復刺後穴。

光明 天府 風池

第十七目患外瘡。

小空骨 太陽 晴明 合谷

問曰。此症緣何而得。答曰。頭風灌注瞳人。血氣湧溢。上盛下虛。故有此病。刺前不效。復刺後穴。二三次方愈。

臨泣 攢竹 三里 內眞尖 眼頭五壯 即上

第十八風沿眼紅澀爛。

晴明

四白

合谷

臨泣

二間

問曰。針之不效何也。答曰。醉飽行房。血氣凝滯。溼而不散。用手指摸。賊風乘時串入。故得此症。刺前不效。復刺後穴。三里。光明。

第十九眼赤暴痛。

合谷

三里

太陽

晴明

問曰。此症從何而得。答曰。時氣所作。血氣壅滯。當風睡卧。饑飽勞役。故得此症。復刺後穴。太陽。攢竹。絲竹空。

第二十眼紅腫痛。

晴明

合谷

四白

臨泣

問曰。此症從何而得。答曰。皆因腎水受虧。心火上炎。肝不能制。心肝二血不能歸元。血氣上壅。灌注瞳人。赤脉貫睛。故不散。復刺後穴。太谿。腎俞。行間。勞宮。

第二十一 劍肉侵睛

風池 晴明 合谷 太陽

問曰。此症從何而得。答曰。或因傷寒未解。却有房室之事。上盛下虛。氣血上壅。或頭風不早治。血鬱瞳人。或暴下赤痛。或因氣傷肝心火炎上。故不散也。及婦人產後。怒氣所傷。產後未滿。房事觸動心肝二經。飲食不節。饑飽醉勞。皆有此症。非一時便可治療。漸而為之。無不效也。復刺後穴。 風池 期門 行間 太陽

第二十二 淚目羞明。

小骨空 合谷 橫竹 二間

問曰。此症緣何而得。答曰。皆因暴痛未愈。在路迎風。串入眼中。血不就舍。肝不藏血。風毒貫入。覩燈光冷淚自出。見日影乾澀疼痛。復刺後穴。 晴明 行間 光明

第二十三鼻窒不聞香臭。

迎香 上星 五處 未髎

問曰。此症緣何而得。針數穴皆不效。答曰。皆因傷寒未解。毒氣衝腦。或生鼻痔。腦中大熱。故得此症。復刺後穴。

水溝 風府 百勞 太淵

第二十四鼻流清涕。

上星 人中 風府

問曰。此症緣何而得。答曰。皆因傷風不解。咳嗽痰涎。及腦寒疼痛。故得此症。復針後穴。

百會 風池 風門 百勞

第二十五腦寒濁異。

上星 曲差 合谷

問曰。此症緣何而得。答曰。皆因鼻衄不止。用藥吹入腦戶。毒氣攻

上腦頂故流鼻也。臭復刺後穴。

水溝

迎香

第二十六鼻渊鼻痔。

上星 風府

問曰。針此穴未效。復刺何穴。答曰。更刺後穴。

禾髎

風池

人中

百會

百勞

風門

第二十七鼻衄不止。

合谷

上星

百勞

風府

問曰。此症緣何而得。出血不止。答曰。血氣上壅。陰陽不能升降。血不宿肝。肝主藏血。血熱妄行。故血氣不順也。針前不效。更刺後穴。

迎香

人中

印堂

京骨

第二十八口內生瘡。

海泉

人中

承浆

合谷

問曰。此症緣何而得。答曰。上盛不虛。心火上炎。脾胃俱敗。故成此症。復刺後穴。金津。玉液。長強。

第二十九口眼喎斜。

頰車。合谷。地倉。人中。

問曰。此症緣何而得。答曰。醉後卧睡當風。賊風串入經絡。痰飲流注。或因飲怒氣傷肝。房事不節。故得此症。復刺後穴。

承浆。百會。地倉。童子髎。

第三十兩頰紅腫生瘡。一名枯曹風。猪腮風。

合谷。列缺。地倉。頰車。

問曰。此症從何而得。答曰。熱氣上壅。痰滯三焦。腫而不散。兩腮紅腫生瘡。名曰枯曹風。復刺後穴。

承浆。三里。金津。玉液。

第三十一舌腫難語。

卷之二
廉泉 金津 玉液

問曰。此症從何而得。答曰。濕痰滯於舌根。宿熱相搏。不能言語。故令舌腫難言。復刺後穴。天突 少商。

第三十二牙齒腫痛。

呂網 頬車 龍玄 合谷

第三十三上片牙痛。

江綱 太淵 人中

第三十四下片牙痛。

合谷 龍玄 承渠 頬車

問曰。牙疼之症緣何而得。答曰。皆因腎經虛敗。上盛下虛。陰陽不升。故得前症。復刺後穴。腎俞 三間 二間。

第三十五耳內虛鳴。

金津牙痛針灸取穴歌
牽太開人中風合谷

腎俞 三里 合谷

問曰。此症從何而得。答曰。皆因房事不節。腎氣虛敗。氣血耗散。故得此症。復刺後穴。太谿 聽會 三里

第三十六耳紅腫痛。

聽會 合谷 頰車

問曰。此症腫痛何也。答曰。皆因熱氣上壅。或因繖耳觸傷。氣不散。及傷不解。故有此症。不可一例針灸。須辨問端的。針之無不效也。復刺後穴。三里 合谷 頸風

第三十七聾耳生瘡出膿水。

翳風 耳門

問曰。聰耳生瘡出膿水。嘗聞小兒有此症。答曰。洗浴水歸耳內。故有。大人或因剔耳觸動耳黃。亦有水誤入耳內。故如此。復刺後穴。

聽會 三里

第三十八 耳聾氣閉。

聽宮 聽會 翳風

問曰。此症從何而得。答曰。傷寒大熱。汗閉氣不舒。故有此症。前針不效。復刺後穴。三里 合谷

第三十九 手臂麻木不仁。

肩頸 曲池 合谷

問曰。此症從何而得。答曰。皆因寒濕相搏。氣血凝滯。故麻木不仁也。復刺後穴。肩井 列缺

第四十 手臂冷風痠痛。

肩井 曲池 手三里 下廉

問曰。此症從何而得。答曰。寒邪之氣。滛入經絡。夜卧涼枕竹簟。漆